

UGOVOR O NABAVCI ROBA – NABAVKA STOLICA

zaključen između:

JU Zavod za medicinu rada Kantona Sarajevo,
Sjedište: Bulevar Meše Šelimovića 2,
koji zastupa: direktor Prim.dr Samir Čovrk, spec.interne med.,
ID broj: 4200298890007,
(u daljnjem tekstu: Naručilac)

i

R&S d.o.o. Sarajevo
Sjedište: ul. Igmanska bb
kojeg zastupa: direktor Damir Pahor
Žiro račun: 3389002208510172
Naziv banke: Unicredit Bank
ID broj: 4200056290005
(u daljnjem tekstu: Izvršilac),

Član 1.

Predmet ovog ugovora je nabavka roba – nabavka stolica za potrebe JU Zavod za medicinu rada Kantona Sarajevo, prema cijenama iz ponude broj: 1450/24 od 28.11.2024. godine.

Član 2.

Cijena koju će Naručilac isplatiti Izvršiocu za robu iz člana 1. Ugovora iznosi:

- Cijena bez PDV-a: **5.998,82 KM** (slovima: pethiljadadevetstotinadevedesetosam 82/100)
- Porez na dodanu vrijednost (PDV 17%): **1.019,80 KM** (slovima: jednahiljadadevetnaest 80/100)
- Ukupna vrijednost/cijena sa PDV-om: **7.018,62 KM** (slovima: sedamhiljadaosamnaest 62/100 KM)

Član 3.

Plaćanje će se izvršiti u roku od 15 dana od dana isporuke i zaprimanja računa za isporučenu robu. Plaćanje se obavlja na žiroračun Izvršioca. Naručilac ne prihvata avansno plaćanje i traženje sredstava osiguranja plaćanja. Ukupna plaćanja Izvršiocu bez PDV-a na temelju sklopljenog ugovora ne smiju prelaziti procijenjenu vrijednost nabavke.

Obaveza Naručioca da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Izvršilac je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Izvršiocu na usklađivanje.

Uslovi plaćanja i drugi uslovi koje Izvršilac jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

Član 4.

Rok isporuke roba iz člana 1. ovog Ugovora je 10 dana računajući od datuma obostranog potpisivanja ovog ugovora. Pod isporukom roba se podrazumijevaju sve potrebne radnje koje je Izvršilac dužan obaviti, prema ugovoru i prirodni posla, da bi Naručilac mogao primiti isporučenu robu.

Mjesto isporuke roba su prostorije JU Zavoda za medicinu rada Kantona Sarajevo.

Naručilac se obavezuje isplatiti cijenu i primiti robu onako kako je predviđeno ovim Ugovorom.

Član 5.

Izvršilac je obavezan isporuku roba iz člana 1. Ugovora izvršiti u roku, na način i pod uslovima određenim ponudom Izvršioca i odredbama ovog Ugovora te pri tome postupati sa pažnjom dobrog privrednika, odnosno sa pažnjom dobrog stručnjaka, u suprotnom preuzima i snosi punu odgovornost, troškove i rizik.

U isporuci roba Izvršilac je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja / vještina za konkretne poslove.

Član 6.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

Član 7.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi s i povodom izvršenja ovog Ugovora.

Član 8.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, Ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Član 9.

Izmjene i dopune ovog Ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 10.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Izvršilac:

[Redacted signature]


Damir Pahor



Naručilac:
Direktor

[Redacted signature]

Prim.dr. Samir Čovrk
spec. interne med.



Broj: 1022/24

Datum: 05.12.2024

Broj: 01-08-1999-3/24

Datum: 02.12.2024. godine

[Redacted signature]

Pripremio: Čomaga Samir, stručni saradnik za javne nabavke i opšte poslove